



Synfocity = 837

mail us at : mzsynfo@gmail.com; mizoramsynod@gmail.com - Phone - 2314648

April 21, 2022

□ Mizoram Synod-in Thlipui tuarte chhawmdawlina hlan

April 18, 2022 (Thawhtanni) khan tun hnaia Pangbalkawn leh Bairabi vela thlipui leh rialin chenna In a tihchhiat tuartute Mizoram Synod chuan chhawmdawlina a hlan.

Mizoram Synod aiawh hian Synod Puipate - Rev. Dr. K. Lallawmzuala, Executive Secretary; Rev. Lalsangbera, Statistician leh Upa B. Lalhmunliana, Synod Secretary (Jr.) te a hmunah an kal a, Pangbalkawn Bialah chhungkaw 140 leh Bairabi Bialah chhungkaw 41, an vaiin chhungkaw 181 chhawmdawlina atan hian Rs. 14,68,000/- chu Bial vawngtu Pastor-te leh an Bial hruaitute kutah an hlan. Thlipui leh rial avang hian chenna In chhe vek leh thawmthat ngai chhungkaw 181 lai an awm a, Pangbalkawn leh Pangbalkawn Hmar Veng huam chhunga chhungkaw 75 tan Rs. 5,48,000/- chhawmdawlina hlan an ni a, Meidum, Meidum Vengthar, South Chhimluang leh Bethlehem Branch Church huam chhunga chhungkaw 65 te tan Rs. 4,48,000/- chhawmdawlina hlan an ni. Bairabi Hmar Veng huam chhunga chhungkaw 16 tan Rs. 1,38,000/- leh Bairabi Chhim Veng huam chhunga chhungkaw 25 tan Rs. 3,34,000/- chhawmdawlina hlan an ni bawk.

March 2022 chhungin Synod Relief Fund atangin harsatna hrang hrang neite hnenah chhawmdawlina Rs. 5,45,000/- sem a ni.

□ ATC Valedictory Service

Mizorama Pathian thu zirna inpui leh hlun bera ngaih Aizawl Theological College chuan April 20, 2022 (Thawhlehi) chawhnu dar 2 khan kum 2021-2022 Academic Session chhunga BD, M.Th. leh D.Th zir zo tur, mi 57 te thlahna hun an hmang.

Valedictory Service hi ATC Chapel-ah neih niin Rev. Prof. Tlanghmingthanga, Principal-in a kaihhruai a. Rev. Dr. Vanlalnghaka Ralte, Synod Moderator chuan hmanpuiin, zirlai chhuak turte thlahna thuchah pawimawh tak sawiin Pathianin a koh ang taka nung tur leh, Pathian ram zau nana thawka, an awmna hmun theuhvah kohhran mi tangkai ni turin a fuih a ni.

He hun hmanpuitu Rev. Dr. C. Vanlalhruaia chuan kum 2021-2022 chhunga zirlai tiṭha lawmman chi hrang hrang paruk a sem a. Zirlai kal chhuak turte hnenah, Rev. Dr. Vanlalnghaka Ralte, Synod Moderator & Rev. K. Lungmuana, TEB member te chuan Certificate an hlan bawk. Hun tawp chu Rev. Lalrinawman malsawmnain a khar a ni.

He inkhawm urhsun tak hi kum dang angin pawn lam atanga lawmpuitu sawm lovin, ATC-a awmsa leh Synod Theological Education Board member ten an hmang ho a ni.

ATC hian hri leng vanga hun khirh tak karah online class-a zirna an kalpui hnuin tunah chuan a pangngaiin zirna an kalpui leh tan mek a, May 2-21, 2022 chhung hian exam an nei ang.

□ Synod Mission Board leh ram pawn chet velna

♦ *Kumin 2022 March thla thlenga Mission Field hrang hranga ringthar neih dan hetiang hi a ni:*

S.No	Field	Total	S.No	Field	Total
1.	Arunachal & Assam Mission (East)	23	10.	Karbi Anglong	46
2.	Arunachal & Assam Mission (North)	8	11.	Calcutta	562
3.	Arunachal & Assam Mission (West)	24	12.	Lucknow	16
4.	Assam	17	13.	Nepal	28
5.	Barak	50	14.	Odisha	108
6.	Delhi	51	15.	Patna	39
7.	Home Mission North	16	16.	Siliguri	183
8.	Home Mission South	80	17.	Tripura	330
9.	Jharkhand	121	18.	Masihi Sangati	2775
				TOTAL	4477

♦ **Jharkhand Mission Field**

April 13, 2022 (Nilaini) khan Kathikund Pastor bial-ah Makra Pahari Preaching Station thar hawn a ni a, Makra Pahari Preaching Station-ah hian members 22 an awm mek.

April 14, 2022 (Ningani) khan ringthar 4 Lal Isua zui turin a inpe a. April 15, 2022 Good Friday khan ringthar 1 Lal Isua zui turin a inpe a, Kalahajor-ah Full Gospel atangin puitling pakhat kan Kohhranah a inpe bawk.

April 17, 2022 (Pathianni) khan ringthar 3 Lal Isua zui turin an inpe a, Roman Catholic atangin puitling paruk kan Kohhranah an inpe bawk.

♦ **Assam Mission Field**

April 14, 2022 (Ningani) khan ringthar 2 Lal Isua zui turin an inpe.

♦ **Barak Area Mission Field**

April 15, 2022 Good Friday khan ringthar 1 Lal Isua zui turin a inpe.

♦ **Delhi Mission Field**

April 15, 2022 Good Friday khan ringthar 2 Lal Isua zui turin an inpe a, April ni 17, 2022 Pathianni khan ringthar 12 Lal Isua zui turin an inpe bawk.

♦ **Arunachal & Assam Mission Field (West)**

April 15, 2022 Good Friday khan ringthar 3 Lal Isua zui turin an inpe.

♦ **Home Mission South**

April 17, 2022 (Pathianni) khan ringthar 5 Lal Isua zui turin an inpe.

♦ **Calcutta Mission Field**

April 17, 2022 (Pathianni) khan ringthar 17 Lal Isua zui turin an inpe.

♦ **Odisha Mission Field**

April 19, 2022 (Nilaini) khan Berhampur Area, Jugudi leh Chondpur khuaah thawktute leh Dr. Rualthankhuma, ENT Specialist Mizoram ten Free Medical Clinic rawngbawlina an nei a, he hunah damlo mi 40 vel an en a ni. Free Medical Clinic rawngbawlina hi Gillakuta bial hmun hrang hrangah neih zel tum a ni.

♦ **Zin**

April 18 - 20, 2022 chhung khan Home Mission North-a Mission hmunhna te tlawhin Board Secretary Rev. R. Lalhmingsanga, Rev. Vanlalrova Khiangte, BEC member leh Pu T. Lalchhuangliana, Supervisor of Schools te an kal.

□ **Bial Inkhawmpui**

April 22 - 24, 2022 chhung hian Mizoram Presbyterian Kohhran chuan Pastor Bial tinah Bial Inkhawmpui a hmang dawn a. April 22 (Zirtawpni) zanah Palai Lawmna & Report Inkhawm neih a ni ang a, April 23 (Inrinni) nilengin Rorel a ni ang a, zanah vantlang Pathian Biak inkhawm neih a ni ang. April 24 (Pathianni) chawhma, chawhnu leh Zanah te vantlang Pathian Biak inkhawm neih a ni ang a. Chawhnu inkhawmah Lalpa Zanriah Sakramen theh a ni ang a, zan inkhawmah Bial Chairman kalchhuak ten Valedictory Sermon an sawi ang. Pathian Biak Inkhawm hun hrang hrangah thupui sawi tura ruatten thuchah an sawi bawk thin. Inkhawmpui hman dan tur leh programme kimchang chu Bial Standing committee-in an ngaihtuah thin a ni.

Mizoram Presbyterian Kohhran chuan Bial Inkhawmpui hi rualkhai taka hman anih theih nan a hun tur hi Synod-in ruahmanna siamin April thla Pathianni vawi 4-na hmanga neih thin a ni a, chutihrualin engemaw rokhawlhna avanga hmang hma hret leh hmang tlai hret an awm bawk.

□ **Synod Revival**

April 9 & 10, 2022 leh April 16 & 17, 2022 chhung khan Operation Nehemia neiin Aizawl leh a chheh velah Revival Speaker-te group 16-ah inthenin mi 1200 chuang hnenah rawngbawlina an nei.

□ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Mamit Lungsir	In chhia	4	Rs. 30,000/-
2.	Mamit Field Veng	In chhia	3	Rs. 24,000/-
			TOTAL	Rs. 54,000/-

☐ ***Kristian Ṭhalai Pawl (KṬP)***

Central KṬP committee chuan April 19, 2022 khan KṬP General Conference-a KṬP member te kal dan tur chungchang a ngaihtuah a. Member tlemna Branch tena an harsatna tawh hrang hrangte ngaihtuahin harsatna an tawh tlem zawk theih dan tur a ngaihtuah.

Central KṬP chuan branch tin aṭangin KṬP member-te kal dan tur ruahmanna a hmaa a lo siam tawh chu tihdanglam lohin a ngai angin kalpui zel nise tiin a rel a. Hetihlai hian member tlem zawk awmna branch-ah kal thei tur an tlem avanga motor hman lamah harsatna an tawh dante an ngaihtuah tel a ni. Member tlemna branch ten kal zat tur bituk avanga motor hman lamah harsatna an neih hre chungin, kal zat tur bituk an pel hret a nih pawhin ngaihnathiam nise tiin a rel a ni.

Branch member tam dan a zirin kal thei tur zat hi CKṬP chuan ruahmanna siamin, Synod OM pawhin a lo pawmpui tawh a. Hri danna(dose 2) la kim tawhte chu kal ni thei se tiin ruahmanna a siamah ngenna a tichhuak tawh a ni.

Hetiang hi member kal theih dan tur ruahmanna chu a ni.

Member zat Member kal thei tur zat

1 - 49	2
50 - 99	3
100 - 199	5
200 - 299	8
300 - 399	20
400 - 499	30
500 - 599	40
600 - 799	50
800 - 899	60
900 - 999	70
1000 - 1199	80
1200 - 1500	90

☐ ***Campus Ministry***

April 20 - 22, 2022 chhung khan Champhai-ah Campus Ministry programme neih a ni a, he hunah hian Rev. Dr. K. Lallawmzuala, Executive Secretary; Rev. R. Ramnghinglova, Director; Nl. Esther Lalngaihawmi, OA; Upa Lalnunsiamia Khalthang, Committee member leh resource person te - T.Upa K. Lalengzama leh T.Upa Lalthlamuana Ralte leh zaithiam Nl. H. Lalremruati te an kal.

☐ ***Hruaina Eng FM Radio :***

APRIL 22, 2022 (Zirtawpni) (FM Zoawi - Aizawl & Lunglei @ 7:30 p.m.):

<i>Solo</i>	: Isak Malsawmtluanga - Vanram mawiah.
<i>Zaipawl</i>	: Mizoram Synod Choir - Malsawmna min vurtu.
<i>Thusawi</i>	: Upa B. Lalhmunliana - Nu leh pa thate malchungah naupang tha.
<i>Solo</i>	: B. Lalzawmliani - I ram min tiam.
<i>Zaipawl</i>	: Armed Veng Kohhran Zaipawl - Kan ram tidam leh rawh

☐ ***Susamachar Prasaran Programme :***

APRIL 24, 2022 (Pathianni) 5:00 pm. :

<i>Group/Choir/Solo</i>	: Karbi Presbytery Choir - Nang ingthir et
<i>Group/Choir/Solo</i>	: John Sharma - Shakti Ho Prabhu
<i>Testimony</i>	: Mr. Dipu Patuari
<i>Group/Choir/Solo</i>	: Champhai Vengthlang Pastor Bial - Hamara Kal
<i>Group/Choir/Solo</i>	: Kristian Centre Zaipawl - Hawale

☐ ***Moderator leh Executive Secretary-te Programme:***

Rev. Dr. Vanlalnghaka Ralte : Moderator

April 25, 2022	: Ramthar BEC & PRESCOM BEC
April 26, 2022	: Revival Committee
April 27 - May 3, 2022	: PCI General Assembly, Umroi, Meghalaya

Rev. C. Zoramawia : Senior Executive Secretary

April 26, 2022 : Revival Committee
 April 27 - May 2, 2022 : PCI General Assembly, Umroi, Meghalaya

Rev. V.L. Luaia Hranleh : Executive Secretary

April 25 - May 1, 2022 chhungin zin programme a nei lova, office-ah a awm ang.

Rev. Dr. K. Lallawmzuala : Executive Secretary

April 25, 2022 : Ramthar BEC leh Social Front committee
 April 26, 2022 : PBS Farewell Programme leh Worship Committee
 April 27 - May 2, 2022 : PCI General Assembly, Umroi, Meghalaya

HNA RUAK DIL THEIH

Mizoram Presbyterian Kohhran, Synod Rescue Home-a thawk tur Staff Nurse 1(Pakhat) contract-in lak a ni dawn a, kum 18 - 35 inkar, ni 16.5.2022 a kum 18 tling, kum 35 la pumhlum lo zuk leh hmuama fihlim, Presbyterian Kohhran mi tan dil theih a ni. Hna dilna form chu ni 11.4.2022 (Thawhtanni) atangin Synod Office (Aizawl leh Lunglei)-ah lak chhuah theih a ni. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna form-ah hriattur pawimawh tihlan a ni.

Thiamna : GNM / B. Sc.(Nursing) from any recognized board / institute
 Hlawh : Synod hnuai contract Staff Nurse hlawh

Dil theih hun chhung : Dt. 9.5.2022 (Thawhtanni), 3:00pm thleng
Screening Test/exam : Dt. 10.5.2022 (Thawhlehi), 10:00am
Interview : Dt. 16.5.2022 (Thawhtanni), 11:00am

Sd/-
 Rev. C. Zoramawia
 Secretary, Synod Service Board
 Synod Office

SYNOD BOOKROOM BOOK NEWS FOR THE MONTH OF APRIL 2022

- | | |
|----------------------------------------------------------------------------------|-----------|
| 1. Chanchin Tha Bu-a Thu Inmilte & Chanchin Tha Bu-a Milpui Nei Lote: | |
| Rev. Dr. C. Lalramchhana | Rs. 400/- |
| 2. Mihring Inbiak Pawhna: Rev. Dr. C. Lalhlira | Rs. 70/- |
| 3. Kristian Polemics: P.C. Lalropuia | Rs. 250/- |
| 4. Naupangte Thian: Lalhmingmawii Rawihte | Rs. 120/- |
| 5. Mizo Competitive Year Review: R.K. Lalhluna | Rs. 300/- |
| 6. Zoram Hriselna Kailawn Dawhtute: Dr. B. Thangdailova | Rs. 250/- |
| 7. Riahbuk Vanram: Chhantea Pautu | Rs. 200/- |
| 8. Ch. Chhunga Chanchin: James Dokhuma | Rs. 200/- |
| 9. Mathematical Tricks: Lalthlamuana | Rs. 200/- |
| 10. Medical Guide (Dictionary): Dr. B. Thangdailova | Rs. 250/- |
| 11. Kaphleia leh C. Thuamluaia hnuhma: B. Lalthangliana | Rs. 200/- |
| 12. That Loh Theih Lohna Bawm: Lalsawta | Rs. 50/- |
| 13. Rem Hriatna: Mizoram Mistiri Association General Headquarters | Rs. 100/- |
| 14. Mistiri Theka Rate: Mistiri Association General Headquarters | Rs. 50/- |
| 15. Ka Lo Nghak Reng Che Asin: Danny H. Lalramenga | Rs. 100/- |
| 16. Anu.chunnu: C. Lalnunhlui | Rs. 150/- |
| 17. Thunun Thawnthu: K. Lalchhuansangi | Rs. 150/- |
| 18. Ram Leh Hnam Tana Tuarna - Bu hnihna: Rebeke | Rs. 250/- |